



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 2. Vtrum mutatio facta in corpore Christi, quatenus est in Eucharistia, etiam fiat in illo, ut est in cœlo, vel contraria? Idem quæri potest de omni corpore existente in duobus locis.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

tur; ac proinde mouetur de loco in locum ad motum specierum. Est certa. Nam Concilium Trident. sess. 17. cap. 6. definit: *Christum virginem Dei Filum in processionibus circumgelandum: quæ circumgestatio non potest fieri sine motu locali.* Et ratio est, quia Corpus Christi est realiter connexum speciebus: ergo du species transferuntur de loco in locum, simul transit Corpus Christi de loco in locum. Vnde reicienda est sententia Durandi dist. 10. q. 3. quam approbat Caietanus hoc loco; scilicet Corpus Christi, nec per se, nec per accidens moueri ad motum hostie; sed solum dici moueri denominatione extrinseca. Neque id sentit D. Thomas: nam vult Christum moueri secundum esse, quod habet in Sacramento; quamvis secundum esse, id est, secundum modum essendi, quem habet in celo, maneat immobilis: atqui esse, quod habet in Sacramento, est illi Corpori intrinsecum: ergo motus, quo mouetur secundum illud esse, est illi intrinsecus. Deinde, si solum diceretur moueri per denominationem extrinsecam, eo quod species mouantur; etiam diceretur calefieri, frigesceri, quia species has mutationes subeunt: quod tamen D. Thomas non concedit. Nec obstat, quod dicat, *illud moueri per accidens;* quia id solum est, non moueri per se primum; sed ad motum specierum; sicut mouetur anima, dum quis transfert corpus: hinc tamen non sequitur, animam non habere ibi motum intrinsecum.

³¹ *Trāstatio-*
ne acqui-
sit intrin-
secum vbi
nouum.

Dico Secundum, Corpus Christi in tali translatione, seu motu, acquirit intrinsecum ubi nouum seu nouam presentiam ad nouum spatium. Ita Scotus dist. 6. q. 6. Gabriel lectione 47. & sequitur ex priori propositione. Patet, Quando enim Eucharistia desertur ad infirmum, incipit Corpus Christi realiter esse praesens infirmo, cum antea non esset praesens: ergo acquisiuit nouam presentiam. Neque verum est, illam presentiam solum esse in speciebus: nam ipsummet Corpus Christi est realiter, & substantialiter praesens, non minus quam Angelus erat praesens, dum in corpore a sumpto loquebatur Tobiae.

Confirmatur; *Quia Deus detractis speciebus, posset conseruare Corpus Christi in eodem loco;* & tunc ipsum esset praesens, & non species. Similiter posset illud tunc mouere de loco in locum, tanquam rem spiritalem. Ergo secundum se vere praesens est, & non tantum ratione specierum, per denominationem extrinsecam. Ut omittere, quod hoc parum videatur differre a presentia, quam ponunt heretici. Esse enim praesens per symbolum seu figuram, est esse praesens extrinsecum.

D V B I V M I .

A quo mouetur Corpus Christi, dum mouen-
tur species?

³² *Corpus*
Christi
mouetur
ab eo qui
mouet spe-
cies?

Q Vidam volunt moueri a Deo: alij ab Anima Corporis Christi. Vide Scotum dist. 10. quest. 6.

Respondeo, Corpus Christi moueretur ad motum specierum ab eo, qui mouet species. Ita D. Thomas, & communiter Doctores; sicut certa. Probatur Primo, Nam de fide est, nos vere mantere Cafrem, & bibere Sanguinem Domini: Matth. 26. Iohannis 6. 1. ad Corint. 11. ergo nos mouemus Corpus, & Sanguinem Domini. Patet

consequens: nam manducare & bibere duo requirunt: Primo, motum quandam localem rei quæ sumitur: debet enim traijci ex ore in stomachum. Secundo, ut hic motus fiat a manducante vitaliter; id est, per potentias animæ: vnde si haec traeccio fiat per alium, v. g. mediante fistula, non erit manducatio. Vnde patet, Corpus Christi non moueri a solo Deo, aut a sola Anima Domini: quia sic traeccio non fieret a manducante. Probatur Secundum, Concilium Trident. definit Corpus Christi esse circumgelandum in supplicationibus, à Sacerdote scilicet, non a Deo, vel Anima Christi. Probatur Tertio: Ratione, Quia sicut antea substantia panis firmiter annexa erat speciebus per naturalem unionem cum ipsis, sic ut nulla vis creata posset illas separare manentes salvas: ita Corpus Christi, quod succedit in locum panis, firmissime connectitur speciebus, non mediante aliqua unione formalis, sed mediante unione effectiva; qualis est, qua magnes vnit sibi ferrum: & Inter Christi simili modo species ununtur Corpori Christi, ita ut sit mutua uno effectiva, sicut inter panem & species erat mutua uno formalis. Huius signum est, quod Corpus Christi tam diu maneat, quamdiu salva sunt species. Hac igitur uno & conexione mutua, causa est, cur motus speciebus necessariò etiam mouetur Corpus Christi: sicut, si mouetas magnetem, necessariò etiam moues ferrum, quod magnes sibi vniuit.

Notandum tamen est, Deum posse mouere Corpus Christi extra species; & illud rursus posse sub speciebus. Imo probabile est, Animam Christi per dotem agilitatis posse mouere Corpus suum in Eucharistia, etiam extra species; & in extra rursus speciebus subintroducere, cessante illa species a uno effectiva: & tunc Corpus Christi per se primò moueretur; quia motus ab ipso inciperet, non a speciebus. Idem credibile est posse Angelum. Vide Gabrielem lectione 45.

D V B I V M I I .

Vtrum mutatio facta in Corpore Christi, qua-
tenuis est in Eucharistia, etiam si in illo,
ut est in celo; vel contra? Idem quare
potest de omni corpore, existere in duo-
bus locis?

³³ *Portet mo-*
ueri Cor-
pus Christi
extra
species a
uno effec-
tiua, hinc
ipse moue-
tur, ad mo-
tum caro.

R Espondeo Negatiuè. Et quidem id manifestum est in motu locali: quia implicat, ut motus localis, quem Christi Corpus habet in Eucharistia, sit idem numero in celo. Ratio est; quia presentia, seu ubi, ad quod terminatur motus localis, est essentialiter immobilis: vnde essentialiter differt ab omni alia presentia.

Sed maior difficultas est de motu alterationis: vt de calefactione, frigescatione, &c.

Verum dicendum est, ex natura rei non transferri has mutationes, aut terminos earum, quidquid alii dixerint; sed solum ex divino beneplacito.

Quod non ex natura rei: Probatur, quia si cor-

pus hoc existens & Romæ, calefiat hic, non idecir-

co, calefiet Romæ: ergo ex natura rei non trans-

fertur haec mutatione.

Antecedens patet: Primo, Quia fieri potest,

ut leo tempore, quo hoc calefit, Romæ applicetur

causa refrigerans, quæ sine dubio inferet frigus.

Secundo,

³⁴ *Negatur.*

Ex natura
rei nec
motus alte-
rationis,
nec termi-
ni earum
transferri
vel replica-
ri possunt.

Frimo.

120 Q. 76. De modo quo Christus est in hoc Sacram. A. 6. D. 3. 4.

Secundò.

Secundo; Quia ignis hinc calefaciens, non potest calorem suum traijere Romanum: tunc quia locus ille est extra ambitum virtutis eius; tunc quia nulla causa naturalis potest idem ponere duobus locis, etiam intra suum ambitum. Dices, ratione subiecti fieri ut sit in duobus locis. Respondeo, Subiectum id non posse efficere: nam subiecti est solum recipere calorem, non autem influere aetate dando ei esse: ergo calor iste non replicatur Roma propter identitatem subiecti; sed necesse est, ut a sua causâ efficiere accipiat esse Romam; quod tamen eius causa efficiens non potest dare.

Tertiò.

Tertiò; Quia corpus, ut est hinc, nullam habet intrinsecam dependentiam a se, ut est Roma: ergo non est necesse, ut qualitatem, quam hinc accipiat, etiam Roma accipiat.

Quartò.

Quartò, Quia praesentiam, situm, extensionem ad locum, vel indiuisibilitatem, quam habet in uno loco, non habet in altero; ut patet in mysterio Eucharistiae: ergo non est necesse, ut habeat illud accidens etiam in altero loco, quod habet in uno. Si dicas, Illa accidentia pendere a loco, & ideo non traijci in alium locum: Respondeo, ergo ex eo, quod corpus hinc recipit accidentia, qua vel non possunt traijci (ut est praesentia, & vbi;) vel non traijciuntur re ipsa (ut extensio, figura, situs;) colligimus etiam alia accidentia naturali virtute non traijci. Si enim, propter identitatem subiecti, accidentis quod in eo hinc recipitur, necessariò deberet etiam alibi in eo recipi, omne accidentis in eo receptum deberet traijci; vel certè, si non possit traijci, etiam non possit in eo recipi.

36
Si tempore
Passione
fuisse af-
serata Eu-
charistia,
non fuisse
in ea Chri-
stus passus.

Hinc sequitur, Si tempore passionis fuisse seruata Eucharistia, Corpus Domini non fuisse alterandum in illa, aut lacerandum, sed prorsus illas permanens etiam in forma naturali alteraretur & laederetur: & consequenter nec animam separandam ibidem fuisse.

37

Super est de actibus vitalibus: quos quidam existimant necessariò traijci, propter sympathia, quam habet anima ut est in uno loco, ad seipsum, ut est in alio.

Actus vi-
tales non
replicantur
necessariò
ad replica-
tionem sub-
iecti.

Sed contrarium est probabilius. Ratio est, Primo, Quia nulla est dependentia intrinsecă inter hominem, ut est hinc, & ut est alibi. Similiter nec inter animam ut hinc, & ut est alibi, quando utroque omnino perfectam & ad eam præsentiam habet. Ergo nulla est ratio, cur sit necesse actum vitalium, qui hinc sit, etiam ibi fieri: ut si hinc videtas Petrum, etiam eundem videores Romanos.

Secundò; Quia hic actus non traijicit ratione receptionis; scilicet quod recipiatur in subiecto duabus in locis constituto; ut patet ex dictis. Neque etiam ratione effectio; eò quod efficiatur a causa in duobus locis constituta. Nam quod hinc operatur, non necessariò operatur alibi: Si enim Dominus loquatur in celo, non opus est illum loqui in Eucharistia; ut omnes patentur. Neque etiam ratione sympathiae; quia inter animam, ut est hinc adequate & perfecte, & ut est alibi, nulla est sympathia; cum sympathia requirat dependentiam. Adde, sympathiam non efficiere, ut eadem numero actio traijicitur, sed ut noua resultet: ut patet, dum quis leditur in pede. Idem enim dolor non est in capite, sed alius resultat.

Dices, Ergo fieri potest, ut quis in uno loco peccet, & in altero mereatur: ac proinde, ut hinc salueretur, ibi damnetur.

Respondeo, Si loquamus de potentia Dei ab solutâ, concedo totum. Tamen, quia id non est posse hic consentaneum rerum naturis, ideo, posita tali replicatione in homine viatore, credibile est Deum tali prouidentia eum gubernaturum, ut eundem statum consequatur.

D V B I V M III.

Vtrum Corpus Christi, ut est in Eucharistia, possit à causis naturalibus immutari alia mutatione, quam motu locali?

R Espondeo, Non posse: quidquid dicant Nominales. Ita D. Thomas, & communior sententia Doctorum. Vide Scotum dist. 10, q. 9. Patet discurrendo per omnia genera mutationum. Non enim potest generari à causa naturali, cum Veritas ne iam existat; nec corrupti, cum sit incorruptibile. Sed eti in propria specie mortale esset, ut erat in in ultima cena, tamen in Eucharistia corrupti naturaliter nequirit. Ratio est, quia causae naturales non possent illud alterare qualitatibus corrupti, quibus naturale temperamentum eundem titut: corruptio autem ex alteratione nascitur.

Probatur Prior pars; Quia ut qualitas aliqua recipiatur in Corpore Christi sub Eucharistia, necesse est ut ipsa accipiat modum existendi indiuisibiliter, & in seipso replicetur; qui modus est validè supernaturalis, unde nulla causa naturali fieri potest. Quare nulla causa naturalis potest illi aliquam qualitatem imprimere; ac proinde nec potest illud corrumpere. Hinc etiam fit, ut partes Christi, et si simili sunt, nec distent loco; tamen non possint in se vicissim agere, sicut fit in nobis. Ex quo sequitur illud corpus non posse etiam decrescere, vel accrescere. Decretio enim seu minutio corporis, fit ex eo, quod aliqua particula ab alijs vi caloris consumantur in auras. Accretio vero ex applicatione alimenti & distributione per membra, eiusque post multas alterationes assimilatione.

Vtrum autem Christi Corpus possit corpora circumstantia immutare, non est ita certum. Nominales affirment; sed ob meritum fidei dicunt hanc actionem impediri.

Verum contrarium est probabile, & tenet D. Tho. cum alijs. Ratio est, Quia sicut corpus & corporales qualitates non possunt existere naturaliter, nisi extensa; ita credibile est non posse agere naturaliter, nisi extensa: modus enim agenti, sequitur modum existendi. Confirmatur, quia effectus harum qualitatum naturaliter postulat extensionem: non enim potest calor produci, nisi in re diuisibili: ergo & ipsa causa debet habere extensionem, ut naturaliter possit agere. Patet consequentia: Quia cum sit causa vniuersalium effectus non habet altiore modum existendi in ipsa, quam in passo.

D V B I V M IV.

Quomodo Corpus Christi definit esse in Eucharistia?

R Espondeo, & Dico Primo, Non definire ibi esse per motum localem, quo, corruptis species, ascendet in celum. Est contra quosdam Theologos huius etatis.

Probatur